

CONVOCATORIA DA SEGUNDA EDICIÓN DOS PREMIOS CLIMÁNTICA POR TRABALLOS PRESENTADOS AO PRIMEIRO CONGRESO DE ESTUDANTES DE CLIMÁNTICA



Co obxectivo de sensibilizar sobre o problema do cambio climático, a Consellería de Medio Ambiente e Desenvolvemento Sostible convoca a SEGUNDA EDICIÓN dos Premios Climántica. Os segundos premios consisten nunha estancia de 5 días nun equipamento de Educación Ambiental de Galicia no que tamén se desenvolverán actividades deportivas e de lecer. Esta estancia levarase a cabo ao remate do curso 2007-2008 en dúas quendas diferentes: entre o 23 e o 27 de xuño para ESO e entre o 8 e o 12 de setembro para bacharelato e ciclos formativos. A diferenza dos **Primeiros Premios Climántica** celebrados en novembro de 2007, os segundos premios outorgaranse por traballos enviados para publicar no primeiro número da revista CLMNTK e que se presentarán no Primeiro Congreso de Estudantes Climántica

Establécense as seguintes categorías:

1. LITERATURA:	2. MULTIMEDIA:	3. ARTES PLÁSTICAS:
Redaccións, relatos reais e de ficción ou poesía cuxa temática xire sobre algún tema que se trate no proxecto.	Os formatos nos que se presenten deben responder ás seguintes características técnicas: resolución mínima 320 x 240. Formato de vídeo: mov, mp4, vob, dv, flv, avi, 3gp.	
1.1 Narrativa	2.1 Curtos nos que se conte unha historia sobre a base dun guión. Pequenos vídeos.	3.1 Fotografía. Cada foto debe levar unha breve referencia do que autor/a quere comunicar con ela.
1.2 Poesía	2.2 Presentacións	3.2 Debuxos
1.3 Cómic	2.3 Entrevistas, representacións teatrais e cancións grabadas	3.3 Pósteres. Neste caso deberá facerse chegar o orixinal ao enderezo de contacto de Climántica.

Cada traballo que se envíe deberá ir acompañado da **ficha de inscrición** na que o autor/a ou autores (máximo 3 membros por grupo) describan o que desexan comunicar co traballo.

Os traballos remitiranse á seguinte dirección de correo electrónico **concursos@climantica.org** ou ben ao enderezo de contacto de Climántica. O prazo de presentación de traballos vai desde a data de publicación desta convocatoria na web ate o 15 de maio do 2008.

Todos os traballos que cumpran os requisitos mínimos inseriranse na web na sección **Concurso** dentro do epígrafe de **Centros**. Todos os traballos que sexan incorporados á web de Climántica tamén se publicarán na revista dos estudantes de Climántica CLMNTK e serán premiados co envío dunha camiseta ou dun maillot do proxecto, para o que se fará constar no correo co que se remita o traballo a elección de camiseta ou maillot e a talla.

PODES PARTICIPAR TAMÉN NO CONGRESO DE AUTORES CLIMÁNTICA

Os traballos elixidos para publicar na revista dos estudantes de Climántica CLMNTK presentaranse no I Congreso de estudantes de Climántica. Os premios serán comunicados neste **PRIMEIRO CONGRESO DE AUTORES CLIMÁNTICA** que se celebrará en Santiago o 21 de xuño do 2008 no Pazo de Congressos de Galicia.

Outorgaranse 10 premios por cada categoría para alumnado de ESO (un total de 30 premios para a quenda de xuño) e outros tantos para bacharelato e ciclos de grao medio e superior (un total de 30 premios para a quenda de setembro). Se os traballos dunha categoría non reúnen os requisitos mínimos de calidade para ocupar os 10 premios desa categoría, poderá incrementarse o número de premios das restantes categorías si estes reúnen suficiente calidade. Os premios poderán declararse premios desertos, sempre que o xurado considere que non hai suficientes traballos de calidade para cubrir os 30 premios de ESO ou os 30 de bacharelato e ciclos formativos.

Os criterios que se seguirán para avaliar os traballos serán:

- Que exista unha relación clara co proxecto.
- Orixinalidade.
- Elaboración rigorosa.
- Capacidade de sensibilización.
- Grao de madurez na elaboración técnica.
- Que se mostren relacións entre coñecementos diferentes e comprensión dos mesmos.

Para poder percibir o premio, o estudante deberá presentar antes da saída unha certificación académica en conforme estivo matriculado durante o curso 2007-2008 nun centro de ensino no nivel polo que concursou, copia certificada do DNI e se fora menor de idade unha **autorización**, permitíndolle asistir á estancia, asinada polo pai, nai ou titor legal.

PODES TER APOIO TÉCNICO

Se tes dificultades co teu proxecto podes recibir apoio técnico enviando un correo electrónico **concursos@climantica.org**

¿QUE FAREMOS NO CONGRESO?

Presentaremos os nosos traballos e asistiremos a representacións teatrais, conta contos, e espectáculos de imaxe e son. Para asistir ao congreso dispoñemos de autobuses e comunicaranse ao centro o lugar da parada onde o collemos que será o mesmo nos deixe. Tamén se indicará a hora de saída e a hora aproximada á que chegamos.

¿QUE ACTIVIDADES FAREMOS NA ESTANCIA SE O NOSO TRABALLO RESULTA PREMIADO?

Para a estancia dos premiados de ESO (do 23 ao 27 de xuño):

- Inicio da convivencia ao redor dunha cacharela de San Xoán.
- Rotas de sendeirismo.
- Excursións para ver instalacións de enerxía eólica, solar e hidráulica.
- Observación de estrelas, planetas e da lúa con telescopio.
- Xogos de orientación con compás.
- Piragüismo.
- Rotas con bicicleta.
- Obradoiros.
- Preparación do festival de despedida.



As actividades dos premiados de bacharelato, como serán do 8 ao 12 de setembro, concretaranse nun programa que se publicará en **www.climantica.org** a semana antes de iniciarse a estancia.